

UREDBU**O DOPUNAMA UREDBE O PRIZNAVANJU PRAVA NA
TOPLI OBROK U JAVNIM KUHINJAMA KANTONA
SARAJEVO****Član 1.**

U Uredbi o priznavanju prava na topli obrok u javnim kuhinjama Kantona Sarajevo ("Službene novine Kantona Sarajevo", br. 24/06, 46/12 i 30/13) u članu 12. iza stava (2) dodaju se novi st. (3) i (4) koji glase:

- (3) Ukoliko se postupak javnih nabavki roba koje nabavlja Ministarstvo iz objektivnih razloga ne okonča do isteka roka važenja odgovarajućih ugovora zaključenih sa dotadašnjim dobavljačima tih roba, Ministarstvo može doznati budžetska sredstva javnim kuhinjama za nabavku potrebnih roba u skladu sa brojem korisnika, a najduže za period od tri mjeseca. Javne kuhinje su u obavezi provesti odgovarajući postupak javne nabavke roba.
- (4) Ministar će svojom odlukom utvrditi iznos sredstava koja će doznati javnim kuhinjama. Dosadašnji st. (3), (4), (5) i (6), postaju st. (5), (6), (7) i (8).

Član 2.

Ova Uredba stupa na snagu danom objavljivanja u "Službenim novinama Kantona Sarajevo".

Broj 02-05-788-3/14
14. januara 2014. godine
Sarajevo

Premijer
Suad Zeljković, s. r.

Na osnovu čl. 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13), člana 9. Zakona o raseljenim licima - prognanicima i izbjeglicama - povratnicima u Kantonu Sarajevo ("Službene novine Kantona Sarajevo", broj 27/05 - Prečišćeni tekst), Vlada Kantona Sarajevo, na 51. sjednici održanoj 14.01.2014. godine, donijela je

UREDBU**O NAČINU OSTVARIVANJA POMOĆI ZA ODRŽIVI
POVRATAK****Član 1.****(Predmet)**

Ovom Uredbom uređuju se: korisnici pomoći za održivi povratak, vrste i način dobijanja pomoći za održivi povratak, odlučivanje i realizacija pomoći za održivi povratak i druga pitanja od značaja za provođenje ove Uredbe.

Član 2.**(Korisnici pomoći za održivi povratak)**

- (1) Pomoć za održivi povratak, u skladu sa ovom Uredbom, mogu ostvariti lica:
- a) koja su se dobrovoljno vratila i prijavila prebivalište u mjesto prijeratnog prebivališta u Republiku Srpsku, Federaciju Bosne i Hercegovine i Brčko Distrikt Bosne i Hercegovine i koja su imala boravište u Kantonu Sarajevo po osnovu statusa raseljenog lica ili
- b) koja su se dobrovoljno vratila i prijavila prebivalište u mjesto prijeratnog prebivališta u Republiku Srpsku, Federaciju Bosne i Hercegovine i Brčko Distrikt Bosne i Hercegovine i koja su imala prebivalište u Kantonu Sarajevo kojem je prethodio status raseljenog lica.
- (2) Pod prijeratnim prebivalištem iz stava (1) ovog člana, a u smislu ove Uredbe, smatra se prebivalište do 30.04.1991. godine.
- (3) U iznimnim slučajevima kada se radi o pomoći koja ima značaj za više lica iz stava (1) ovog člana, pomoć se može odobriti grupi ovih lica.

Član 3.**(Vrste pomoći za održivi povratak)**

- (1) Pomoć za održivi povratak odnosi se na novčane pomoći i to:
- a) za nabavku prehrambenih artikala,
- b) za razvoj poljoprivrede za potrebe lica iz člana 2. ove Uredbe,
- c) za manje popravke stambenih jedinica u mjestu povratka,
- d) za kupovinu školskog pribora i knjiga,
- e) za projekte izgradnje, sanacije i rekonstrukcije infrastrukture u mjestu povratka,
- f) za druge namjene koje su od važnosti za održivi povratak.
- (2) U slučajevima pomoći za projekte izgradnje, sanacije i rekonstrukcije infrastrukture pomoć se realizira u saradnji sa opštinom u kojoj lica iz člana 2. ove Uredbe imaju prebivalište.
- (3) Saradnja na obezbjeđenju pomoći iz stava (2) ovog člana može se ostvariti i sa drugim vladinim i nevladinim institucijama nadležnim za održivi povratak.
- (4) Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) je nadležno za zaključivanje odgovarajućih obligacionih akata u skladu sa st. (2) i (3) ovog člana, a u svrhu definisanja prava i obaveza svih strana učesnika realizacije projekta izgradnje, sanacije i rekonstrukcije infrastrukture u mjestu povratka.

Član 4.**(Podnošenje zahtjeva za pomoć za održivi povratak)**

Lica iz člana 2. ove Uredbe podnose zahtjev za pomoć za održivi povratak Ministarstvu.

Član 5.**(Kriteriji za odobravanje pomoći za održivi povratak)**

Kriterij za odobravanje pomoći za održivi povratak je da lica iz člana 2. ove Uredbe ne mogu samostalno podmiriti potrebe za koje se traži pomoć.

Član 6.**(Odlučivanje)**

O odobravanju pomoći za održivi povratak odlučuje Ministarstvo.

Član 7.**(Sredstva za pomoć za održivi povratak)**

Sredstva za pomoć za održivi povratak, u skladu sa ovom uredbom, obezbijedit će se u Budžetu Kantona Sarajevo na poziciji Ministarstva.

Član 8.**(Stupanje na snagu)**

Ova Uredba stupa na snagu danom objavljivanja u "Službenim novinama Kantona Sarajevo".

Broj 02-05-788-4/14
14. januara 2014. godine
Sarajevo

Premijer
Suad Zeljković, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13), a u vezi sa članom 7. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) i članom 105. stav 2. Zakona o zdravstvenom osiguranju ("Službene novine Federacije BiH", br. 30/97, 7/02, 70/08 i 48/11), Vlada Kantona Sarajevo, na 51. sjednici održanoj 14.01.2014. godine, donijela je

ODLUKU**O KRITERIJIMA ZA NOMINIRANJE/IMENOVANJE
DIREKTORA ZAVODA ZDRAVSTVENOG
OSIGURANJA KANTONA SARAJEVO, KOJEG JE
OSNIVAČ KANTON SARAJEVO****I**

Ovom Odlukom, Vlada Kantona Sarajevo utvrđuje kriterije za nominiranje/imenovanje direktora Zavoda zdravstvenog